

金壇馮嵩叟鑒定

陽春齋

武進莊思緘叅訂

邳志補序

邳志補二十六卷竇君憶園補山陽魯通甫先生邳志作也先生高文淵識抗希龍門斯志尤雄奇卓絕宙合仰鏡足以上揜康韓下轢章孫今距志成又六十餘年中更粵撚之變文獻凋零散無友紀不爲賡續來者何徵憶園究心一鄉掌故亦既有年懼不足承先生之後慎之又慎會有省志之役敦府州縣志爲權輿君乃銳然自任從事纂輯晨鈔暝寫不懈益勤復辱過予商榷義例凡所獻替虛已以從忽忽再歲始得卒業其文之逋峭識之超遠不敢謂與先生抗行唯其盧牟故訓甄綜佚文其足補前志之闕者亦有數端粗發其凡以詔來許山經水經古皆有圖故元和郡縣圖與志齊後

邳志補序

世踵之而前志獨從蓋闕今四竟三鄉逮於山澤旣各爲之圖矣幅員廣隘古今不同復代繫一圖爲攷地形者鑑此足補前志之闕者一也推步之術愈闡愈精前志言北極矣今更益以烏道言日出入矣今更益以實高視高平景倒景觀象授時庶無差忒此足補前志之闕者二也前志民賦斷自本朝今則戶口貢賦遠稽炎漢田賦出納兼及有明以備兩代取民之制此足補前志之闕者三也四戰之國兵爭所先歷代戰蹟尤資攷鏡前志附之雜記或略或縲未貫於一今上自先秦逮於粵撚別爲一編次於軍政之下使後之學兵權謀兵形執者知所取法焉此足補前志之闕者四也職官人物貢舉藝文前志詳矣而挂萬漏一聞亦有之今稽之舊

志所刪裁參之故老所載記與夫殘碑斷碣之屬極意搜剔
增益遂多此足補前志之闕者五也漢韓棱令邳有惠政廟
祀至今而范書失載前志以元元統碑文與乾隆省志微有
差池遂離爲二今據惠氏棟後漢書補注引東觀記稜之令
邳正與志合復搨元碑之文刊譌增漏陳瑀陰圖孫策前志
疑其有誤今據孫策傳注引江表傳以正之初無錯迕稜與
瑀端末犁然始有條貫此足補前志之闕者六也碎文負義
數有糾正無與鴻愔不煩翾縷先生有知當亦嘉君爲勞臣
引君爲諍友也耶予少服膺先生之文而與先生中子蕢仲
實相識於毛遂村許仲實述過庭所聞頗窺先生纂前志之
苦心今又獲與君上下其論議於是編之卒業也爰舉君大

邳志補序

二

旨所在箸之簡首極知僭妄安得起先生而質之癸亥陽月
金壇馮煦序時年八十有一

略例

一各邑方志有創修重修續修之不同孫淵如氏謂舊志如佳不宜重修只宜賡續通志局總纂亦謂魯志精美爲江蘇各志之冠不可改易前規只可增補因請名命曰志補蓋援五代史補大學衍義補之例也

一方志多不斷代茲奉省令倣班氏斷代爲書省令旣不可違近浙江湖北山東各通志皆然故從其例

一書旣曰補似不宜重載前志惟同人謂零星補綴不便觀覽且有一事一文無可係屬非載全文不知原委者故仍錄之以期明顯亦有與前志異者以所據之本不同也

一自裴秀創圖地理始明後世方志因之魯志獨無茲補繪

邳志補略例

歷代以見疆域不同現市鄉區域大小不倫且屢有更易故仍以三鄉爲準

一書中有表自史漢已然後世方志遵之魯志獨無故爲補表惟李元度氏謂表宜散見各門吳摯甫氏深州風土記從其說茲亦倣之但無可隸者則列於前

一魯志建寘僅列舊城新城從略然城旣北遷建寘宜詳茲但列新城舊城則入古蹟

一魯志山川未詳水道多誤蓋但據舊志未嘗親歷茲遣人履勘多與前不同故重編纂

一各縣田賦僅列現代魯志亦同唯陸清獻靈壽志兼及有明章實齋氏稱其善茲從其例補入明代戶口亦然

一各縣學校但列廟制從祀則略然年湮代遠久將難知惟湘陰泰興二志獨詳茲從其例見誚通人或將不免然以備攷稽不無小補至書院學堂則列於後

一魯志軍政於明代衛所獨詳清代武職則附官師茲並移入各從其類防營亦有關係故並列焉

一魯志兵事附於雜記或略或重未能一貫茲別爲一篇附於軍政之後以期明瞭

一魯志官師賢否並列茲別爲名宦傳以紀政績其無可稱者但列一表從府志例也

一魯志人物但據正史然散見羣書亦尙有人茲皆補入以期詳備道光以前全錄魯志成豐以來則據府志同治以

邳志補略例

二

後則據訪冊未敢增減損益

一自劉向傳列女范書因之入史然彼所載不拘一格後世方志但載節烈茲凡有事實者爲之傳無事實者列其名其他有可稱者附錄於後

一魯志不載寺廟以其爲異端淫祀也然如洛陽伽藍京師寺塔等書載之獨詳似亦不可闕如茲從宿遷各志列於古蹟以備攷覽

一魯志藝文附於貢舉所載寥寥然隋書唐志登載獨多近代方志亦然茲從其例惟但列書名詩文則不濫入

一金石一門有關掌故趙洪各有專書魯志附於古蹟僅至元代近奉省令兼載有明故石佚而文存者亦錄金元佛

寺之碑亦並載焉

一物產魯志附於疆域且寥寥無幾非特產不錄然湘陰深
州所載獨詳凡本邑所產之物與他邑同者亦載茲從其
例不殫求詳世有通人其勿以農圃成書草木作狀見譏
也可

邳志補目錄

卷一

疆域圖

卷二

晷度

卷三

沿革

卷四

爵封

卷五

建寘

邳志補目錄

一

卷六

山川

卷七

田賦上

卷八

田賦下

卷九

學校

卷十

軍政上

卷十一

軍政下

卷十二

職官

卷十三

名宦

卷十四

人物

卷十五

人物二

卷十六

人物三

邳志補目錄

卷十七

人物四

卷十八

貢舉

卷十九

列女上

卷二十

列女下

卷二十一

古蹟

卷二十二

藝文

卷二十三

金石

卷二十四

物產

卷二十五

雜記

卷二十六

敘錄

歷代疆域圖

邳志補卷一 疆域

一


邳志補卷之一

疆域圖

周禮大司徒以土地之圖周知地域廣輪之數而封人封國封其四疆蓋所以均廣狹泯華離也邳之疆域於古無徵西漢爲縣與武原良成並峙而三東漢爲國有十七城領地廣矣晉亦分藩僅統七縣視漢爲絀焉南朔剖疆寘縣雖多而地未擴隋唐省併而地轉增至於元初益廣袤矣明之劃界大於宋梁魏齊小於唐宋金元五百年來未之有改也茲自西漢以降代爲一圖以明今昔疆域之殊焉



前漢圖




邳志補卷一 疆域

右據漢書地理志按是時下邳良成屬東海武原屬楚國以今境計之濱運以南旋繞葛嶧南兼睢境當為下邳濱運以西錯入銅境當為武原濱運以北東帶沂武叻鹿之陽當為良成舊以今城西北之梁王城為良成按今梁王城距山東嶧縣境僅十餘里去舊城百二十里與寰宇記邳北六十里之說不合據水經注沂水南過郟縣西又南過良成縣西前志誤作南則良成當在沂水之東與郟接壤非今之梁王城也又漢書地理志有葛嶧山泗水沂水祠水武水後漢東夷傳有徐山水經注有武原水故並繪之

邳志補卷一 疆域

後漢圖




按魏志黃初三年魯陽公宇進封下邳國五年改封單父縣下邳仍為郡攷後漢下邳國領十七城魏志徐宣傳宣廣陵人為郡紀綱海西淮浦二縣作亂令梁習夜奔宣家則淮浦淮陰是時已移屬廣陵其盱眙高山東城潘旌四縣皆在淮南據孫權傳注權至高山丁奉傳進攻穀陽孫亮傳呂據直入淮泗則四縣均為魏弃地故止列十一據右三國郡縣表

邳志補卷一 疆域

五


晉圖



右據晉書地理志按太康元年復立臨淮郡以盱眙下相
 司吾等十縣隸之而武原別屬楚國下邳國裁統七縣僅
 有今睢寧及盱眙之北境宿遷之西境雖名爲國狹於漢
 遠矣成始改作城

邳志補卷一 疆域

宋圖



右據魏書地形志按是時下邳武原實爲二郡領縣有九
 惟僮爲今睢境坊亭柵淵爲今宿境餘皆下邳武原良城
 地也析三爲六寘縣亦云密矣又志云艾山分僮寘艾在
 邳北僮在邳南當日載筆必有譌誤者矣若梁陳雖有下
 邳改易名稱而疆域於魏無殊齊周亦然故不復圖焉
 祠墓俱本地形志前志謂柏山卽白山恐非按地形志柏
 山在良城下或卽叻鹿山若白山在下邳西三十里非良
 城所及也

邳志補卷一 疆域

隋開皇圖

